

26/21
17. 05. 2021



BOSNA I HERCEGOVINA
FEDERACIJA BOSNE I HERCEGOVINE

GRAD ZENICA

Na osnovu člana 60. stav 3, člana 69. stav 2. tačka d), člana 70. st. 1. 4. i 6. Zakona o javnim nabavkama („Sl. glasnik BiH“, broj 39/14) i Rješenja Ureda za razmatranje žalbi broj: JN2-01-07.1-2305-10/20 od 24.09.2020. godine, broj: JN2-01-07.1-1395-10/20 od 23.07.2020. godine i Rješenja URŽ JN2-01-07-1-3541-8/20 od 10.02.2021. godine, u otvorenom postupku za proširenje i izgradnju javne rasvjete u gradu Zenica, Gradonačelnik donosi:

ODLUKU

o poništenju postupka javne nabavke

Član 1.

Poništava se otvoreni postupak za proširenje i izgradnju javne rasvjete u gradu Zenica u skladu sa članom 69. stav 2. tačka d) Zakona o javnim nabavkama, iz razloga što nijedna od primljenih ponuda nije prihvatljiva.

Član 2.

Stavlja se van snage Odluka o izboru najpovoljnijeg ponuđača broj: 02-11-1950-15/20 od 08.04.2021. godine.

Član 3.

Za izvršenje ove odluke zadužuje se i ovlašćuje Služba za finansije.

Član 4.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-1950/20 od 05.02.2020. godine.

Obavještenje o nabavci broj: 1355-1-3-45-3-12/20 objavljeno je na Portalu javnih nabavki dana 05.02.2020. godine i u Službenom glasniku BIH broj: 11/20 od 14.02.2020. godine.

Procijenjena vrijednost za predmetnu nabavku iznosila je 5.000.000,00 KM bez PDV-a.

Na Odluku o izboru najpovoljnijeg ponuđača 02-11-1950-15/20 od 08.04.2021. godine, uložene su dvije žalbe ponuđača „DEMA-S“ d.o.o. Mostar i grupe ponuđača „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad.

Ugovorni organ djelimično usvaja žalbene navode koji su detaljno definisani u Zapisniku Komisije o ocjeni ponuda V, broj: 05-11-1950-23/21 od 07.05.2021. godine, te postupajući po prethodnim Rješenjima URŽ utvrđuje da nijedna primljena ponuda nije prihvatljiva.

Ponuda grupe ponuđača „NEIMARI ŠERIĆI“ d.o.o. Zenica“, „TESTINGELEKTRO“ d.o.o. Sarajevo i „BUCK“ d.o.o. Beograd ne ispunjava uslove propisane tenderskom dokumentacijom iz sljedećih razloga:



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

- Grupa ponuđača „NEIMARI ŠERIĆI“ d.o.o. Zenica“, „TESTINGELEKTRO“ d.o.o. Sarajevo i „BUCK“ d.o.o. Beograd je dostavila garanciju za ozbiljnost ponude koja nije u skladu sa Pravilnikom o formi garancije za ozbiljnost ponude i izvršenje ugovora, jer se na garanciji pečat u cijelosti nalazi na naljepnici koju je moguće nesmetano odlijepiti, a da se ne naruši otisak pečata, i garanciju je moguće vaditi/umetati, što je suprotno odredbama Pravilnika, a to je da se onemogućiti naknadno vađenje garancije iz plastične folije naljepnicom na kojoj je otisnut pečat ili jamstvenikom. (Rješenje broj: JN2-01-07-1-227-8/19 od 06.03.2019. godine, Rješenje broj: JN2-02-07-1-241-10/18 od 24.05.2018. godine, Rješenje broj: JN2-03-07-1-1403-10/19 od 18.07.2019. godine i Rješenje broj: JN2-03-07-1-574-9/20 od 16.04.2020. godine)
- Ponuđena svjetiljka ne ispunjava uslove iz dijela tenderske dokumentacije koji propisuje Opadanje svjetlosnog toka, u dijelu III Svjetiljke pod tačkom 1. kojom se traži sljedeće: „Trajnost LED izvora je ≥ 100.000 sati, s tim da svjetlosni fluks ne opadne na manje od 90% od inicijalnog (L90). (Rješenje URŽ broj: JN2-01-07.1-1395-10/20 od 23.07.2020. godine)
- Aktuelni izvod koji je dostavljen u ponudi grupe ponuđača za člana grupe ponuđača „TESTINGELEKTRO“ d.o.o. Sarajevo, broj: 065-0-RegZ-20-001013 od 05.02.2020. godine je stariji od 3 mjeseca od dana dostavljanja ponude/ datum za prijem ponuda (14.05.2020. godine) što nije u skladu sa tačkom 3.1. tenderske dokumentacije.
- Karakteristika ponuđene svjetiljke grupe ponuđača „NEIMARI ŠERIĆI“ d.o.o. Zenica, „TESTINGELEKTRO“ d.o.o. Sarajevo i „BUCK“ d.o.o. Beograd nema mogućnost podešavanja ugla nagiba svjetiljke što nije u skladu Elaboratom modernizacije i proširenja javne rasvjete na području Grada Zenica.
- Ponuđena svjetiljka ponuđača ne posjeduje driver sa automnim podešavanjem snage i to u 3 nivoa prema programu 2 što nije u skladu sa Elaboratom modernizacije i proširenja javne rasvjete na području Grada Zenica

Ponuda ponuđača „DEMA-S“ d.o.o. Mostar ne ispunjava uslove propisane tenderskom dokumentacijom iz sljedećih razloga:

- U svrhu ispunjavanja uslova tehničke i profesionalne sposobnosti ponuđač je u svojoj ponudi dostavio na strani 664-731 zahtijevane certifikate na engleskom jeziku te isti ne sadrže prevod kao ni od strane nadležnih organa ovjeru (Rješenje URŽ broj: JN2-01-07.1-1395-10/20 od 23.07.2020. godine, i broj: JN2-01-07.1-2305-10/2 od 24.09.2020. godine.)
- Ugovorni organ je tenderskom dokumentacijom tačkom 3.3. u svrhu dokazivanja tehničke i profesionalne sposobnosti od ponuđača zahtijevao Izvještaj o testiranju otpornosti na udar (IK) test prema standardu EN 62262. Ponuđač „DEMA – S“ d.o.o Mostar je kao dokaz u svojoj ponudi, na stranici 672. dostavio Laboratory test report izdat od strane R-Tech, Mechanical impact test od 27.11.2019. godine iz kojeg je vidljivo da je riječ o standardu IEC/EN 62696. Kako Ugovorni organ tenderskom dokumentacijom nije ostavio mogućnost pozivanja na ekvivalentne standarde, ponuđač „DEMA-S“ d.o.o. Mostar nije ispunio zahtjev postavljen tačkom 3.3. tenderske dokumentacije. (Rješenje URŽ broj: JN2-01-07.1-1395-10/20 od 23.07.2020. godine i broj: JN2-01-07.1-2305-10/2 od 24.09.2020. godine.)
- Ponuđena svjetiljka ne ispunjava uslove iz dijela tenderske dokumentacije koji propisuje Opadanje svjetlosnog toka, u dijelu III Svjetiljke pod tačkom 1. kojom se traži sljedeće: „Trajnost LED izvora je ≥ 100.000 sati, s tim da svjetlosni fluks ne opadne na manje od 90% od inicijalnog (L90). (Rješenje URŽ broj: JN2-01-07.1-1395-10/20 od 23.07.2020. godine i broj: JN2-01-07.1-2305-10/2 od 24.09.2020. godine.)



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponuda Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad ne ispunjava uslove propisane tenderskom dokumentacijom iz sljedećih razloga:

- U tački 4.7. tenderske dokumentacije je propisano da se ponuda dostavlja na jednom od službenih jezika u Bosni i Hercegovini, na latiničnom ili ćirilicnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini. Izuzetno dio popratne dokumentacije (katalozi, brošure, prospektni materijal, sertifikati i sl.) može biti i na drugom jeziku. Ponuđač je dostavio certifikate na engleskom jeziku, a pri tome nije dostavio prevod na jednom od službenih jezika u BiH. (Rješenje URŽ broj: JN2-01-07.1-1395-10/20 od 23.07.2020. godine, i broj: JN2-01-07.1-2305-10/2 od 24.09.2020. godine.)
- Ugovorni organ je u Elaboratu modernizacije i proširenja javne rasvjete na području grada Zenica, u prilogu 1 – Parametri za svjetlotehnički proračun zahtijevao da prilikom odabira LED rasvjetnih tijela moraju se zadovoljiti parametri klase M5 za saobraćajnice u vangradskoj zoni. Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad je na stranici 323. ponude dostavio svjetlotehnički proračun u kojem su dati podaci za parametre Lm, Uo, Ui, TI i Rei. Kako su standardom definisani parametri za klase osvjetljenja saobraćajnice Lm, Uo, Ui, TI i EIR, to Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad nije dokazao da ponuđena svjetiljka zadovoljava parametre klase M5 prema zahtjevu iz tenderske dokumentacije. (Rješenje URŽ broj: JN2-01-07.1-1395-10/20 od 23.07.2020. godine i broj: JN2-01-07.1-2305-10/2 od 24.09.2020. godine.)

Konzorcij „ROAMING NETWORKS“ d.o.o. Banja Luka i „ELEKTROMONTAŽA“ d.o.o. Kraljevo, nije odgovorio na pismeni zahtjev ugovornog organa broj: 05-11-1950-22/20 od 19.03.2021. godine u pogledu produženja perioda važenja ponude, te se smatra da je isti odbio zahtjev, stoga se njegova ponuda neće razmatrati u daljem toku postupka, a u skladu sa članom 60. stav 3. Zakona o javnim nabavkama.

Shodno tome, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba za finansije, Trg BiH 6, 72 000 Zenica, u roku od 10 (deset) dana od dana prijema Odluke. Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu. Žalba se podnosi neposredno Ugovornom organu u pisanoj formi.

Broj: 02-11-1950-17/21

Datum: 07.05.2021. godine

DOSTAVLJENO:

- 4 x Ponuđač
- 1 x Služba za finansije
- 1 x Tenderska dokumentacija
- 1 x a/a



GRADONAČELNIK:

Fuad Kasumović